

MORRIS, DAVID (1744 - 1791), pregethwr gyda'r Methodistiaid Calфинаidd ac emynydd

Enw: David Morris
Dyddiad geni: 1744
Dyddiad marw: 1791
Priod: Beti Morris
Priod: Mary Morris
Plentyn: Ebenezer Morris
Rhiant: Morris Morgan
Rhyw: Gwryw
Galwedigaeth: pregethwr gyda'r Methodistiaid Calфинаidd ac emynydd
Maes gweithgaredd: Crefydd; Barddoniaeth
Awdur: Gomer Morgan Roberts

Ganwyd yn 1744 yn Lledrod, Sir Aberteifi, mab Morris Morgan. Dywedir mai porthmon ydoedd ym more'i oes, ond ni wyddys am ei gysylltiadau crefyddol y pryd hynny. Dechreuodd bregethu gyda'r Methodistiaid yn 1765 a daeth i amlygrwydd yn fuan fel pregethwr nerthol, a chafodd ddylanwad mawr ar y werin yn ystod ei deithiau dros Gymru. Dechreuodd dewychu o ran ei gorff pan oedd yn ieuanc, a rhwystrowyd ef gan hynny rhag teithio gymaint â rhai o'i gyfoeswyr. Symudodd i Dŵr-gwyn, plwyf Tredreyr, yn 1774, ar gais y seiat Fethodistaidd yno i'w bugeilio, a bu'n trigo ym Mhen-y-ffos. Claddwyd Mary, ei wraig, yn 1788, a chanodd 'Williams, Pantycelyn' farwnad iddi; enwir 'Betti,' ei ail wraig, ym marwnad Thomas Jones i'w goffadwriaeth. Mab y wraig gyntaf oedd yr enwog **Ebenezer Morris**. Bu farw 17 Medi 1791 a chladdwyd ef ym mynwent Tredreyr.

Yr oedd David Morris yn emynydd o fri hefyd. Cyhoeddwyd casgliad o'i emynau o wasg J. Ross, Caerfyrddin, yn 1773, sef *Can y Pererinion Cystuddiedig ar eu Taith tua Seion*, sy'n cynnwys 'Nad im fodloni ar ryw rith,' 'Mae pawb o'r brodyr yno'n un,' etc. Y mae 'Marwnad i Rees Williams o Gauo' yn y casgliad uchod, a chyhoeddodd *Marwnad ar Farwolaeth Llewelyn Dafydd o Blwyf Trecastell*, etc., o'r un wasg yn 1783.

Awdur

Y Parchedig Gomer Morgan Roberts, (1904 - 1993)

Ffynonellau

W. Williams, *Marwnad Mrs. Mary Morice; gwraig Mr. David Morice, pregethwr yr Efengil: yr hon a gafodd ei symmyd o'r byd hwn o ddeutu mis Ebrill, 1788: at ba un y chwanegwyd rhai o fyfyrddau Mr. David Morice, ar cyfryw achos* (Caerfyrddin 1788)

Thomas Jones, *Marwnad neu dduwiol goffadwriaeth o farwolaeth Dafydd Morys, o Ben-y-ffos, ym mhlwyf Troed-yr-aur, yn Sir Aberteifi, yr hwn, wedi iddo bregethu â€; ychwaneg na saith ar hugain o flynyddau, a ymadawodd o'r byd hwn Medi 16, 1791, yn 47 mlwydd oed* (Caerfyrddin 1791)

'Emynyddiaeth: X. Morgan Rhys a Dafydd Morris,' *Y Traethodydd*, 1872, 70-3

Y Gwyddoniadur Cymreig (1889â€"96), vii, 553

Methodistiaeth Cymru (1851â€"6), ii, 83-7

J. Morgan Jones a W. Morgan, *Y Tadau Methodistaidd (1895-1897)*, i, 483-90

J. Thickens, *Emynau a'u Hawduriaid* (1945), 46

Darllen Pellach

Erthygl Wicipedia: Dafydd Morris

Dolenni Ychwanegol

VIAF: 9718630

Wikidata: Q18535821

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Preifatrwydd a Chwcis
Hawlfraint
Y Prosiect
Cymorth
Cysylltu

LGC
NLW

LLYFRGEL
THE NATION



Noddi gan
Llywodraeth Cymru
Sponsored by
Welsh Government